

1509

HIERVSALEM EXCIDIVM
M E L O D R A M A
IO. FRANCISCI RVBINI
R O M A N I
CONCENTIBVS RESTITVTVM.
A SEVERO DE LVCA.



ROMÆ, Typis Angeli Bernabò MDCLXXXVIII

SVPERIORVM PERMISSV.

REPRÆSENTANTES

Melodrama ,

Eleazarus) *Principes Seditionis*
Simon)

Titus

Duces Romani

Mater Hæbrea

Chorus Romanorum

Chorus Hæbreorum .

HIERVSALEM EXCIDIVM

Melodrama.

P A R S P R I M A

Symphonia plausus.

Primus **V**iuat Cęsar, viuat Roma,
Dux cum Echo sonet Palestina,
Choro Ro- Volet Aquila Latina,
manorum . Tito vireat lauris Coma.
Viuat Cęsar, viuat Roma.

Symphonia.

Eleazarus Viuat Patria libertas,
cum Choro Nefas Extero seruire,
Iudęorum. Nam tributa, leges dirę
 Vrbes faciunt desertas.
Viuat Patria libertas.

Symphonia.

Titus Generosi Quirites
 Orbi nostro rebellis
 Solima perduellis
 Est vobis expugnanda mole armorum;
 Fortia gerere bella Romanorum.

Symphonia.

Vrbs infida, si pacem odisti,
Experire nunc belli rigores;
Olim gentes, & regna vicisti,
Capta pręda gustabis angores.

Vrbs infida, si pacem odisti,
Experire nunc belli rigores.

Hierusalem infelix

Te respiciunt astra aspectu fero,
Iupiter Mars euadit, Titus Nero,

Symphonia Tubarum

Secundus Fero Carmine, rauco Clangore
Dux Ro- Tuba Martem accendat cruentum,
manus. Circumcisi concussi pauore.

Iam fatalem prænoscant euentum.

Fero Carmine, rauco clangore

Tuba Martem accendat cruentum.

Symphonia Tubarum.

Primus Ad Signa vocate,
Dux Rom. Vexilla mouete,

Aquilæ volate,

Latinis fauete;

Imbelles,

Rebelles

A rostro cauete.

Symphonia armorum.

Titus. Arma, arma Romanæ Cohortes,

Ite pharetras implete,

Vallate, obsidete,

Bellis Urbem tentate,

Denso milite muros coronate;

Vobis rident lætæ sortes.

Arma, arma Romanæ Cohortés,

Symphonia Bellica.

Simon. cum Ad arma Conciues,

Choro Iud. Tyranni furores
Iam obsident fores,
precludite seras
Ne manus in feras
Vrbs concidat diues.

Ad arma conciues.

Symphonia Bellica.

Eleazarus Pro Patria State.

cum Choro Tuemini leges,
Iudæorum. Iam vicimus Reges;
Innoxia tela,
Si Cælum tutela,
Inuicti pugnate.

Pro Patria State.

Titus Victoriæ sperate
Aufonij bellantes.

Dux Rom. Solima fortis, Turribus firmata

Titus Nostris concidet armis debellata;

Dux Rom. Arces vallo cinctæ, milite plenæ

Titus Seruiles reis imminent catenæ

Dux Rom. Alta mœnia munita

Titus Martis molibus ruent;

Dux Rom. Saxa balistis pluent;

Titus Muri, Turres iam premantur Castris;

Dux Rom. Celsas adire Turres arma vana;

Titus Vndique volat Aquila Romæna;

Dux Rom. Iouis ales generosa

Tuos foue bellatores;

Pede curuo gerens fulmina,

Turris alta quate culmina
 Armigera,
 Flammigera
 In Iudeos fer ardores
 Iouis ales generosa
 Tuos foue bellatores.

Symphonia

Duo e Choro Quot malis angeris,

Iudaorum. Quot Bellis frangeris

O Urbium Regina infortunata?

Romani

Conciues,

Prælia mouent;

Odia fouent;

Famefcis,

Tabescis

Tuis armis expugnata

Quot malis angeris

Quot bellis frangeris

O Urbium Regina infortunata

Vnus è Cho Monstris, feris feriores

ro Iud.

Ciues tui infelix Patria;

Cladibus, ruinis,

Sanguine, rapinis

Ipsa Templi fadant atria.

Monstris, feris feriores

Ciues tui infelix patria.

Symphonia

Mat. Heb. Acerba fames omni poena seuior;

Tingit pallore;

Quassat tremore, R
Lacerat, enervat,
Ad funera servat;
Sors vltima leuior
Acerba fames omni poena seuior.

Symphonia tubarum.

Eleazarus. Bellica stridet buccina
Strepunt Romana tympana;
Iam seduli Custodes excubate,
Adite muros, patriam servate.

Symphonia tubarum.

Titus Iam eliminat dies
(Romani decus Orbis bellatores)
Hosti exitialis
Cesari triumphalis:
Ite in arma leti,
Triumphis assueti;
Hierusalem Iudeis
Victis auferte palmas Idumeis.

Dux Rom. Generosè perge miles,
Tibi Roma triumphale
Sertum preparat Murale,
Tene murum, pelle Viles;
Generosè perge Miles.

Duces cum Agrediamur,

Choro Rom. Adoriamur

Eleazar. Ciues resistite,

1. *Dux Rom.* Muros conscendite,

Simon. Ferro defendite,

2. *Dux Rom.* Apponite scalas

Eleazarus. Aquilæ Romanæ carpite alas

1. *Dux Rom.* Moles, falces, arietes aptate,
Simon. Celsæ turres gigantes fulminate

2. *Dux Rom.* Murus machina sternatur,
Eleazar. Saxis Latinus Pharaon mergatur,

1 *Dux Rom.* Tela torquere,

Simon. Hastas vibrare,

2 *Dux Rom.* Ferite, vulnerate,

Chor. Rom. & Iud. Ferite, vulnerate.

Mat Heb. Vulnerate pia tela

Dira fame tabescentem,

Natum simul, & parentem;

Mors est miseris medela,

Vulnerate pia tela.

Infelix nate, miseranda parens?

Sum viuens sinè spe, tu lacte carens,

Infelix nate, miseranda parens?

Languéo, agitaris;

Paleis vescor, flætu saturaris,

Paleæ mihi defunt,

Tibi luctus amari;

Arida, dira fames

Viuerè negat, prohibet lacrimari.

Symphonia Bellica.

Simon. Excubiæ, Custodes bellatores

Arma, arma

Chorus Heb. Arma arma

Simon. Romani

Muros aggrediuntur,

In Urbem noua bella moliuntur.

Saxis, iaculis, hastis

Hostis cadat oppressus

Arma, arma

Chor. Hebr. Arma, arma

Simon. Accelerate gressus.

Titus. Condensis arctæ testudinis armis

Ite pugnaces, ite,

Tela retundite, mœnia subite

Symphonia Bellica.

Mat. Hebr. Care pupule mammæ arescunt,

Plus non stillant vitales humores,

Languent lilia, rosæ pallescunt,

Tuo vultu euadunt decores

Care pupule Mammæ arescunt,

Plus non stillant vitales humores,

Symphonia.

Fili matris pax vna, Sincera

Claude lucēs, qui esce, iam dormi,

Et si fomnos abrumpat Megera,

Ne turberis aspectu deformi.

Fili matris, pax vna, sincera

Claude lucēs, quiesce, iam dormi

Furia ditis fames

Fera tiramnis cruciat Viuentes,

Vigiles angit, Vexat dormientes.

Nunc misera quid agam

Vales tu sola mors curare plagam.

Symphonia Mesta.

Veni iam veni Mors,

Succide Stramina

Vitę ligamina;
 hæc placida fors.
 Veni, iam Veni mors.
 Mæstę surdescit Voci Parcha ingrata,
 Iniussa Venit mors, fugit rogata.
 Quò fugiam, quo pergam pede vagò?
 Dormiam; somnus est mortis imago.

Finis Primæ Partis.

HIERSALEM EXCIDIVM

P A R S S E C U N D A.

Primus **I** Nuictissime Cæsar, obsessorum
Dux Rom. Millia Hæbreorum
 Huc petunt à te veniam postulare.

Titus Equè parcere mihi, ac debellare.

Dux & Tit. Augusta fronti Viua
 Iniuncta lauro Vireat Oliua.

Titus Est regnanti cõsimile fulmen:
 Proles Iouis ab Ethere natum,
 Vallis humili parcit iratum,
 Et superbiens Verberat Culmen.
 Est regnanti cõsimile fulmen.

Mat, Hebr. Accurrite Matri,

In somn. ijs. Succurrite Nato;

En fame Vexata

Leana irata

Membra lactantis,

Corda parentis

Laniare;

Deuorare

Dente tentat clementato.

Accurrite Matris

Succurrite Nato

Quæ somnia in festa,

Crudelia; funesta;

Ah necessitas dura!

Me dormientem; doces

Ipsa Natura temerare lura.

Symphonia

Fili fame maceraris;

Nulla Vitæ virêt spes;

Si superstes mihi es,

Plus viuendo, plus vexaris.

Fili fame Maceraris.

Symphonia letæ

Dux. Rom.

Tuba lassos bellatores;

Læto cantu iam restaura;

Leues bellici labores,

Dum Victoriæ ludit aura.

Tuba lassos bellatores;

Læto cantu iam Restaura;

Symphonia letæ

Diues auro, lauro cinctus

Miles Romam remeabis,

Ad victorum currus victus

Gemet hostis; triumphabis.

Diues auro, lauro Cinctus

Miles Romam remeabis.

*Symphonia.**Mat. Hebr.* Obliterato matris Caractère

Compellor ad furorem

Ah catulos non lædunt ipsæ feræ,

Et cogit fames atra, vt natum vorem.

Proles Cara

ad sinum redi,

Ne sis auara,

Si Vitam dedi.

Symphonia.

Nè Moreris,

Leni tormenta;

Ferre alimenta

Iure teneris.

Symphonia.

Mea Viscera molles artus,

Cara pignora, dulces partus

Eia Venite,

Dolentem, languentem.

Ad sinum redite

Acerbissima fors! amica dextra

Recisus cadit flos sole Nascente;

Meus occidit sol in Oriente.

Iam redde Matri pro lacte Cruorem,

Fames Vincit amorem;

En ferro natum neco,

Ipsam, vt ponam igni in frustra seco.

*Symphonia.**Eleaz. & Si-Per* Urbem vagando,*mon Princip.* Et morte luctando*seditionis* Sodales eamus,

Vt minis ,
 Rapinis
 Famentes edamus.
 Per Urbem vagando ,
 Et morte luctando
 Sodales eamus .

Symphonia .

Eleazar. Famem paleis iam paui,
 Scuta corijs nudaui ,
 Et si debilis, ieiunus
 Non relinquo Belli munus
 Hoste inuito ;
 Funera malo , quàm cedere Tito .

Symphonia .

Simon. Sors Quiritibus ridet secunda ,
 In Hierusalem astra rotantur,
 Dona Cereris illis fœcunda ,
 Fames , lues in nos præliantur ;
 Victoriæ Romanos famulantur .

Eleazar. Sile Amice , file ,
 Hostis forti inuidere est duci vile .
 Hic exalat suavis
 Ambustæ Carnis odor ;
 O utinam his dapibus vescamur ;

Ele. & Simon. Iam nidorem sequamur .

Symphonia mæsta .

Mat. Heb. Rediuiua inter ardores
 Splende iam fœnix amata ,
 Immortales tui decores ;
 Viues corde tumultata .

Redi.

Rediuiua inter ardores
Splende iam fœnix amata.

Eleazar. Mulier scelerata
Non eris pœna immunis ;
Edere ausa es nobis ieiunis ?

Mat. Heb. Vobis partem seruauì,
De visceribus meis escam parauì-

Symphonia.

Ad Mensam bellantes

Defessi sedete,

Affectum videte

Conuiuę lætantes .

Ad Mensam bellantes .

Symphonia.

En cibum Seruauì ,

Nec dulcis amati

Vos gratia nati

Ieiunos fraudauì .

En cibum seruauì .

Eleazar. Onefas !

Simon. Proh scelus !

Mat. Heb. Necessitas dura.

Eleazar Quæ famis insanitas ?

Simon. Quæ matris immanitas ?

Eleaz. Simon. Quæ barbara Iura ?

Mat. Heb. Necessitas dura .

Eleazar Occidere Natum ,

Simon. Edendo crematum

Eleaz. Simon. Horrescit natura .

Eleazar. Onefas !

Simon. Proh scelus !
Mat. Heb. Necessitas dura .
Symphonia bellica .

Titus. Phalanges armate
 Iam robur ostendite,
 Et muros conscendite,
 Et armis pulsare .
 Phalanges armate .

Primus *Symphonia bellica .*
Dux Rom. Mihi sertum debetur Murale,
 Alta menia primus conscendo
 Pono muris vexillum regale,
 Eia milites iter ostendo .

Symphonia Strepitus .
Eleazar. Quid cerno ! super muros
 Circumuolitant Aquilæ victrices ;

Chor. Hebr. Misera patria ! Nos infelices ;
Symphonia Bellica .

Dux Rom. Cedite pertinaces ,
Simôn. Resistite Romanis ,

Titus Ruite contumaces ,

Eleazar. Obsistite vesanis ,

Chorus Rom. Rebelles occidamus ;

Chor. Heb Fugiamus ad templum , fugiamus .

Symphonia Strepitus .

Eleazar. Heu quid mihi nunc superest spectare ?
 Bellum in templo , funus in altare .
 palestinum super Cælum
 Iam crinita luxit Stella ,
 Super templum ignis telum ,

Iam edixit clades, bella.

Symphonia.

Titus. Ferrum, sanguis, tremor, luctus
Urbem repleat scelestam
Scænam hostibus funestam;
Hic rebellium est fructus.

Symphonia.

Fuluas auro, gemmis claras
Flamma Templi voret aras;
Vix remaneat ruinis
Solum Nomen, Puluis, Cinis.

Vnus è Urbes ediscant, regna erudiantur;
Choro Deum diligant, iram vereantur;
Sacra spernere, crimina, dissidium
Construxere HIERUSALEM EXCIDIVM.

FINIS.